

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 14:00 SATI

Direktor Kantonalne uprave civilne zaštite je u jutarnjim satima sa komandantom CZ Kantona Sarajevo izašao na područje općina Ilidža i Novi Grad koja su ugrožena od poplava kako bi koordinirali aktivnosti na poduzimanju mjera zaštite i spašavanja ljudi i materijalnih dobara. Također, pom. direktora za mjere zaštite i spašavanja Kantonalne uprave civilne zaštite je obišao područja općina Hadžići i Vogošća koja su najugroženija od poplava.

Pripadnici PVB Sarajevo su angažovani na pružanju pomoći ugroženom stanovništvu, tako su u jutarnjim satima evakusali 10 ljudi iz TC Robota i 4 ljudi iz MZ Osijek (Brattunačka i Osječki put) i izvršili dostavu hrane i lijekova u naselju Hendekuša, a trenutno su angažovani u dostavi hrane i lijekova u naselju Doglodi.

Prema podacima dobivenim od Federalnog meteorološkog zavoda – Sektora hidrologije visina vodostaja na rijeci Bosna, mjesto Reljevo danas u 11:58 sati je iznosi 486 cm i ima tendenciju opadanja (od jutro opao za 12 cm), dok je na rijeci Miljacka, mjerno mjesto Čumurija iznosio 202 cm i ima tendenciju opadanja (od jutro opao za 11 cm).

Prema dobivenim informacijama od općinskih centara civilne zaštite, kao i od drugih subjekata iz osmatračke mreže stanje na području Kantona Sarajevo uzrokovano kišnim padavinama u 14:00 sati je bilo slijedeće:

Općina Stari Grad

Stanje na području općine se polako normalizuje. Pripadnici OpSI CZ su stalno na terenu i pružaju pomoć ugroženom stanovništvu.

Općina Centar

Ekipe OpSI CZ centar su na terenu i prate situaciju i poduzimaju neophodne mjere zaštite i spašavanja.

Općina Novo Sarajevo

Tokom dana ekipe OpSI CZ kontinuirano pratiti stanje sa mostovima na teritoriji općine (naročito pješačkim: „ARS AEVI“, kod hotela Bristol i na Čengić Vili kod mosta Bosansko-Malezijskog prijateljstva)) i blagovremeno reagovati.

Općina Novi Grad

Najugroženija su i dalje naselja Dobroševići, Bojnik i Rajlovac gdje je poplavljeno 10-tak kuća i svi privredni objekti. U toku dana izvršena je evakuacija 10 ljudi iz TC Robot. Ekipe OpSI CZ Novi Grad su na terenu i prate situaciju i poduzimaju neophodne mjere zaštite.

Općina Ilidža

Na osnovu prikupljenih podataka s područja cijele općine može se reći da se stanje postepeno poboljšava. Najugroženija su i dalje dijelovi MZ Osjek ul. Hendekuša i Bratunačka gdje je se trenutno ugroženim građanima iz navedenih ulica vrši dostava hrane, lijekova i briketa. U MZ Rakovica stanje se stabilizuje, dok je u MZ Blažuj u Vlakovu odsječeno 10 kuća, a i dalje je ugrožena ul. Stara pruga. Stanje u MZ Otes stanej se stabilizuje, voda se povukla problem predstavlja voda iz šahtova. U toku dana izvršena evakuacija 9 osoba (3 iz ul. Bratunačka, 2 iz ul. Hendekuša i 4 iz naselja Doglodi). Općinski štab CZ je u toku dana angažovao mehanizaciju na otklanjanju posljedica od poplava.

Općina Hadžići

Stanje na području općine se polako normalizuje. Ekipe OpSI CZ su stalno na terenu i poduzimaju neophodne mjere zaštite.

Općina Vogošća:

Stanje je nepromjenjeno, najugroženija su naselja Radića Potok, Svrake – Lug, drestovača i naselje Ljubina, nekoliko klizišta je aktivirano (Tihovići, Svrake IV i Krč Gora). Ekipe su na terenu i poduzimaju neophodne mjere zaštite i spašavanja.

Općina Ilijaš

Stanje je dosta bolje nego jutros, rijeka Bosna se povukla u D. Luci, samo je još uvijek rijeka Ljubina van korita. Trenutno su angažovane mašine na području Ljubine.

Općina Trnovo

Trenutno vodostaju svih rijeka u opadanju tako da nema opasnosti od njihovog izlivanja.